

### 0.0.1 dutiyaññāvatthu suttaṃ

#### 0. sāvattiyaṃ-

1. sattasattari vo bhikkhave ñāṇavatthūni desissāmi. taṃ suṇātha sādhukaṃ manasikarotha bhāsissāmi'ti. evaṃ bhante'ti kho te bhikkhu bhagavato paccassuṃ. bhagavā etadavoca: katamāni bhikkhave satta sattari ñāṇavatthūni?

2. jātipaccayā jarāmaraṇanti ñāṇaṃ, asati jātiyā natthi jarāmaraṇanti ñāṇaṃ, atītampi addhānaṃ jātipaccayā jarāmaraṇanti ñāṇaṃ, asati jātiyā natthi jarāmaraṇanti ñāṇaṃ, anāgatampi addhānaṃ jātipaccayā jarāmaraṇanti ñāṇaṃ, asati jātiyā natthi jarāmaraṇanti ñāṇaṃ, yampissa taṃ dhammaṭṭhiti ñāṇaṃ tampi khayadhammaṃ vayadhammaṃ virāgadhammaṃ nirodhadhammanti ñāṇaṃ.

3. bhavapaccayā jātī'ti ñāṇaṃ, asati bhavā natthi jātī'ti ñāṇaṃ, atītampi addhānaṃ bhavapaccayā jātī'ti ñāṇaṃ, asati bhavā natthi jātī'ti ñāṇaṃ, anāgatampi addhānaṃ bhavapaccayā jātī'ti ñāṇaṃ, asati bhavā natthi jātī'ti ñāṇaṃ, yampissa taṃ dhammaṭṭhiti ñāṇaṃ tampi khayadhammaṃ vayadhammaṃ virāgadhammaṃ nirodhadhammanti ñāṇaṃ.

4. upādānapaccayā bhavo'ti ñāṇaṃ, asati upādānā natthi bhavo'ti ñāṇaṃ, atītampi addhānaṃ upādānapaccayā bhavo'ti ñāṇaṃ, asati upādānā natthi bhavo'ti

ñāṇaṃ, anāgatampi addhānaṃ upādānapaccayā bhavo'ti  
ñāṇaṃ, asati upādānā natthi bhavo'ti ñāṇaṃ, yampissa  
taṃ dhammaṭṭhiti ñāṇaṃ tampi khayadhammaṃ va-  
yadhammaṃ virāgadhammaṃ nirodhadhammanti ñā-  
ṇaṃ.

5. taṇhāpaccayā upādānanti ñāṇaṃ, asati taṇhā nat-  
thi upādānanti ñāṇaṃ, atītampi addhānaṃ taṇhāpac-  
cayā upādānanti ñāṇaṃ, asati taṇhā natthi upādānanti  
ñāṇaṃ, anāgatampi addhānaṃ taṇhāpaccayā upādā-  
nanti ñāṇaṃ, asati taṇhā natthi upādānanti ñāṇaṃ,  
yampissa taṃ dhammaṭṭhiti ñāṇaṃ tampi khayadham-  
maṃ vayadhammaṃ virāgadhammaṃ nirodhadham-  
manti ñāṇaṃ.

6. vedanāpaccayā taṇhā'ti ñāṇaṃ, asati vedanā nat-  
thi taṇhā'ti ñāṇaṃ, atītampi addhānaṃ vedanāpaccayā  
taṇhā'ti ñāṇaṃ, asati vedanā natthi taṇhā'ti ñāṇaṃ,  
anāgatampi addhānaṃ vedanāpaccayā taṇhā'ti ñāṇaṃ,  
asati vedanā natthi taṇhā'ti ñāṇaṃ, yampissa taṃ dham-  
maṭṭhiti ñāṇaṃ, tampi khayadhammaṃ vayadhammaṃ  
virāgadhammaṃ nirodhadhammanti ñāṇaṃ.

7. phassapaccayā vedanā'ti ñāṇaṃ, asati phassā nat-  
thi vedanā'ti ñāṇaṃ. atītampi addhānaṃ phassapac-  
cayā vedanā'ti ñāṇaṃ, asati phassā natthi vedanā'ti  
ñāṇaṃ, anāgatampi addhānaṃ phassapaccayā vedanā'ti  
ñāṇaṃ, asati phassā natthi vedanā'ti ñāṇaṃ, yampissa  
taṃ dhammaṭṭhiti ñāṇaṃ, tampi khayadhammaṃ va-

yadhammaṃ virāgadhammaṃ nirodhadhammanti ñāṇaṃ.

8. saḷāyatanapapaccayā phasso'ti ñāṇaṃ, asati saḷāyatanā natthi phasso'ti ñāṇaṃ, atītampi addhānaṃ saḷāyatanapaccayā phasso'ti ñāṇaṃ, asati saḷāyatanā natthi phasso'ti ñāṇaṃ, anāgatampi addhānaṃ saḷāyatanapaccayā phasso'ti ñāṇaṃ, asati saḷāyatanā natthi phasso'ti ñāṇaṃ, yampissa taṃ dhammaṭṭhiti ñāṇaṃ, tampi khayadhammaṃ vayadhammaṃ virāgadhammaṃ nirodhadhammanti ñāṇaṃ.

9. nāmarūpapaccayā saḷāyatananti ñāṇaṃ, asati nāmarūpā natthi saḷāyatananti ñāṇaṃ, atītampi addhānaṃ nāmarūpapaccayā saḷāyatananti ñāṇaṃ, asati nāmarūpā natthi saḷāyatananti ñāṇaṃ, anāgatampi addhānaṃ nāmarūpapaccayā saḷāyatananti ñāṇaṃ, asati nāmarūpā natthi saḷāyatananti ñāṇaṃ, yampissa taṃ dhammaṭṭhiti ñāṇaṃ, tampi khayadhammaṃ vayadhammaṃ virāgadhammaṃ nirodhadhammanti ñāṇaṃ.

10. viññāṇapaccayā nāmarūpanti ñāṇaṃ, asati viññāṇā natthi nāmarūpanti ñāṇaṃ, atītampi addhānaṃ viññāṇapaccayā nāmarūpanti ñāṇaṃ, asati viññāṇā natthi nāmarūpanti ñāṇaṃ, anāgatampi addhānaṃ viññāṇapaccayā nāmarūpanti ñāṇaṃ, asati viññāṇā natthi nāmarūpanti ñāṇaṃ, yampissa taṃ dhammaṭṭhiti ñāṇaṃ, tampi khayadhammaṃ vayadhammaṃ virāgadhammaṃ nirodhadhammanti ñāṇaṃ.

**11.** saṅkhārapaccayā viññāṇanti ñāṇaṃ, asati saṅkhārā natthi viññāṇanti ñāṇaṃ, atītampi addhānaṃ saṅkhārapaccayā viññāṇanti ñāṇaṃ, asati saṅkhārā natthi viññāṇanti ñāṇaṃ, anāgatampi addhānaṃ saṅkhārapaccayā viññāṇanti ñāṇaṃ, asati saṅkhārā natthi viññāṇanti ñāṇaṃ, yampissa taṃ dhammaṭṭhiti ñāṇaṃ, tampi khayadhammaṃ vayadhammaṃ virāgadhammaṃ nirodhadhammanti ñāṇaṃ.

**12.** avijjāpaccayā saṅkhārā'ti ñāṇaṃ, asati avijjāya natthi saṅkhārā'ti ñāṇaṃ, atītampi addhānaṃ avijjāpaccayā saṅkhārā'ti ñāṇaṃ, asati avijjāya natthi saṅkhārā'ti ñāṇaṃ, anāgatampi addhānaṃ avijjāpaccayā saṅkhārā'ti ñāṇaṃ, asati avijjāya natthi saṅkhārā'ti ñāṇaṃ, yampissa taṃ dhammaṭṭhiti ñāṇaṃ tampi khayadhammaṃ vayadhammaṃ virāgadhammaṃ nirodhadhammanti ñāṇaṃ. imāni vuccanti bhikkhave satta-sattari ñāṇavatthūnī'ti.